

[*en marge*] Parochialis sancti Thomae Belgodere

1686 die 27 iunii in tertiis.

Praefatus dominus visitator (etc.) visitavit ecclesiam parochialem sub invocatione sancti Thomae de Belgoderio, quae ecclesia parochialis est ius patronatus reverendorum patrum monachorum sancti Benedicti congregationis Olivetanae, et per quemdam sacerdotem ex eis exercetur cura animarum dictae parochiae, et ad praesens est curatus admodum reverendus dominus pater dominus Romualdus Maria Brizelli de Florentia, electus et deputatus a reverendissimo domino abbate domino Romualdo Maria Tricornia genuensi, ut ex litteris patentibus (etc.), cum assignatione triginta scutorum monetae Genuae pro mercede annua dicti domini curati, et reliqui fructus provenientes ex eadem ecclesia parochiali remanent pro praedicto monasterio. Redditus praedicti beneficii parochialis annui ascendunt ad valorem librarum mille circiter monetae genuensis, consistentes in decimis, primitiis et in aliis proventibus bonorum stabilium dictae ecclesiae.

Visitavit sanctissimum sacramentum, quod invenit [327r] asservari in pyxide ex argento in totum deaurata, conopaeo cerulei coloris instructa cum cruce in eius summitate, et est ad formam atque inservit pro adoratione et communionibus generalibus.

Visitavit etiam ostensorium ex auricalco in totum deauratum cum suo vitro et cruce in eius summitate ad formam, inservit pro expositione et asportatione sanctissimi in processionibus.

Visitavit aliam pyxidem parvam ex argento intus deauratam cum cruce in eius summitate, et inservit pro asportando sanctissimo viatico ad infirmos, cum bursa serica violacei coloris ad formam.

Vidit baldachinum sericum rubei coloris, quod inservit pro deferendo sanctissimo et est ad formam, necnon umbellam pariter pro deferendo sanctissimo viatico ad formam, mandavit tamen in eius summitate apponi crucem. Pluviale sericum rubei coloris, velum humerale sericum albi coloris, turribulum cum eius navicula ex auricalco adsunt et sunt ad formam.

Lampas ante ipsum sanctissimum sacramentum continuo ardet ex impensis societatis sanctissimi Sacramenti ibi erectae, quae etiam providet de ceraeis pro deferendo sanctissimo.

Dictum sanctissimum sacramentum asservatur ad altare maius in tabernaculo ligneo in totum deaurato, conopaeis diversi coloris secundum tempora instructo, munito serra secreta et clave, cum cruce in eius summitate ad formam, supra ipsum pendet etiam baldachinum varii coloris ad formam.

Visitavit fontem baptismalem, cuius vas est lapideum, ciborium vero ligneum, conopaeo cerulei coloris instructum, munitum serra secreta et clave quae detinetur paenes dominum curatum, cum cruce in eius summitate, et est tolerabiliter ad formam; mandavit tamen supra ipsum fontem appendi umbella seu baldachinum et etiam apponi aliquam [327v] imaginem sancti Ioannis Baptistae Christum baptizantis. In dicto fonte invenit asservari vasa argentea oleorum chrysmatis et catechumenorum, et sunt ad formam. Vidit etiam cochlear stanneum pro aqua suscipienda, et est ad formam satis; et quia vidit in eodem fonte asservari oleum infirmorum pariter in vase argenteo, ideo mandavit in posterum debere asservari in fenestrula conficienda in pariete prope altare maius in cornu evangelii vel epistolae, et debeat intus vestiri panno violacei coloris et ostilio [sic] muniri cum ser<r>a secreta et clave quae detineatur paenes dominum curatum, et foris inscribatur litteris maiusculis *Oleum infirmorum*.

Prope dictum fontem visitavit sacrarium, quod mandavit parum elevari et ostiolo muniri cum ser<r>a secreta et clave quae detineri debeat paenes dictum curatum.

Visitavit sedem confessionalem ad formam, mandavit tamen in ea apponi summarium bullae Coenae.

Visitavit altare maius, quod manutenetur a communitate et habet redditum viginti circiter [librarum], provenien(tium) ex fructibus boni stabilis legati ab olim domino Santino a Belgoderio pro totidem missis celebrandis in dicto altari per dominum curatum usque in perpetuum. Dictum altare est eleganter provisum de requisitis ad celebrationem missae, mandavit tamen provideri de cartula de sacro convivio.

Dictum altare providetur de candelis pro missis tantum parochialibus celebrandis a consortio mulierum ibi erecto auctoritate apostolica cum privilegiis et indulgentiis sub invocatione beatae Virginis, et gubernatur a domino curato pro tempore sub quibusdam regulis ab ordinario approbatis.

Dictae mulieres habent suas officiales, cuius caput dicitur priora, et renovantur singulis annis vel confirmantur, et tunc temporis [328r] computa redduntur coram dicto curato et novis officialibus et conso[ro]ribus. Habent massam cons[t]itutam ex certis annuis contributionibus et de ea solent providere altare ut supra dictum est et etiam sub[v]enire sororibus defunctis de sex libris cerae in sepulchralibus exequiis earum. Dictae mulieres solent congregari in hac ecclesia semel in mense, ubi per curatum leguntur eis regulae et aliae piae praeces effunduntur.

Visitavit altare sub invocatione beatae Mariae virginis de Rosario, quod manutenetur a

communitate et habet redditum annuum librarum quinquaginta et septem monetae genuensis legatarum ab olim domino Ioanne Benedicto olim Marci de Belgoderio ad favorem sibi propinqui secundum sanguinem, et ad praesens est admodum reverendus dominus Lucius Melasp(in)o [sic], pro nonaginta missis celebrandis annuatim in dicto altari. Habet et alium redditum librarum sex monetae genuensis legatorum [sic] ab olim domina Magdalena de Belgoderio ad favorem dicti curati pro tempore pro duabus missis annuatim celebrandis in eodem altari. Coram eodem altari est erecta societas Rosarii auctoritate apostolica cum privilegiis et indulgentiis tam pro viris quam pro foeminis, et solent ter per haebdomadam recitare rosarium sicut etiam singulis diebus festivis. Dictum altare est provisum de icone cum ornamento columnarum ex calce sculptarum ad formam; est etiam provisum de caeteris necessariis ad celebrationem missae. Coram eodem altari pendet lampas ex impensis communitatis.

Visitavit altare sub invocatione sancti Antonii abbatis pariter manutentum a communitate, nullum habens redditum nec onus, et est tolerabiliter [sic] provisum de necessariis ad celebrationem missae quae aliquando solet celebrari in eo. Supra altare adest icon sculpta ex marmore, ad formam, divi Antonii abbatis.

[328v] Visitavit capellam noviter erectam ab eadem communitate, et in ea non est adhuc erectum altare, ideo mandavit quamprimum fabricam compleri, altare erigi et dealbari dictam capellam atque provideri de necessariis ad celebrationem missae, infra biennium.

Visitavit etiam alteram capellam cum altari noviter erecto, quod manutenetur a dominis heredibus admodum reverendi domini Antonii Pauli Malaspiniae de Belgoderio, et dicta capella atque altare est ahuc nuda et expoliata, ideo mandavi quamprimum dealbari et ad perfectionem reduci necnon de necessariis provideri infra biennium.

Doctrina christiana docetur singulis diebus dominicis a prandio per reverendum dominum Lucium Malaspinam a Belgoderio. Nuptiae non benedicuntur, ideo mandavit in posterum benedici ad formam missalis romani, et si sponsi negligentes fuerint in petenda benedictionem contra eos poenam statuendam (etc.).

Procuratores seu rectores dictae ecclesiae renovantur singulis annis vel confirmantur et tunc temporis computa redduntur coram domino curato et novis procuratoribus.

Corpus ecclesiae est tolerabiliter ad formam et etiam eius fores sunt [ad formam], munitae clave quae detinetur paenes dominum curatum, sed quia sunt franctae [sic] mandavit readaptari infra bimestre.

In dicta ecclesia sunt quinque monumenta sepulchralia, quorum duorum [sic] manentur a dominis de familia Malaspinae, caetera quatuor manentur a communitate, sed quia duo ex illis inveniunt absque ostiis ideo mandavit ea provideri de dictis ostiis lapideis saltem infra sex menses.

Vidit campanile, quod est ad formam, cum duabus campanis, quarum una est fracta [sic], ideo mandavit saltem infra sex menses readaptari.

Visitavit suppellectilia sacra, quae inveniunt asservari in choro in scamnis munitis secretis et clave quae detinetur paenes dominum [329r] curatum, et inveniunt sufficientia et perpolite custodita.

Vidit libros parochiales et inveniunt ad formam, mandavit tamen servari formam ritualis romani in conscribendis nominibus baptizatorum et defunctorum.

Vidit librum de statu animarum huius parochiae et inveniunt esse animas in totum quinque centum septuaginta circiter, ex quibus communicantur bis centum et octuaginta, et omnes paruerunt praecepto ecclesiae, et ut certo certius in posterum sciatur an omnes communicaverint mandavit distribui schedulas et eas recolligi priusquam tempus paschale terminetur, ut sic admoniti possint omnes parere.

In hac parochia [adsunt] quatuor presbyteri, scilicet Lucius Malaspina, Vincentius Mortini, Ioannes Decius de Iudicellis et Angelus Ioannes Malaspina, et omnes pro ut attestatus fuit dominus curatus sunt bonae vitae et famae et inser[v]iunt ecclesiae.

Intra limites pariter dictae parochiae reperitur coenobium fratrum Servorum beatae Virginis cum ecclesia aperta, in quo solent morari duodecim religiosi circiter.

Visitavit aedes canonicales et inveniunt satis sufficientes et continuas ecclesiae parochiali.

[*en marge*] Oratorium sancti Stephani

Die 28 iunii 1686.

Praefatus dominus visitator (etc.) visitavit oratorium sub invocatione sancti Stephani situm in loco proprio Belgoderii, quod manentur a confraternitate laicali ibi erecta auctoritate ordinarii, serviens sub capitulis ab ordinario approbatis, et dicti confratres induunt cappas albas et habent suos officiales, cuius caput dicitur prior, et renovantur quolibet semestre, excepto massario qui stat ad annum, et tunc temporis computa redduntur coram domino curato et novis officialibus et confraternitate, et habent massam pecuniariam [329v] constitutam ex certis contributionibus annuis dictorum fratrum, de qua solent subvenire confratribus defunctis de quatuordecim libris cerae pro sepulchralibus exequiis eorum et solent etiam suppeditare elemosinas pro missis celebrandis. Singulis diebus festivis congregantur confratres in hoc oratorio et ibi solent recitare

officium beatae Virginis et alias praeces effundere, sicut etiam solent associare processionaliter cum cappis confratres defunctos sepeliendos.

Visitavit altare, quod est unicum in dicto oratorio et est sufficienter provisum de necessariis ad celebrationem missae quae in eo solet aliquando celebrari de licentia parochi absque ullo reddito et onere. Supra dictum altare adest icon ad formam et supra dictam iconem adest imago Crucifixi.

Corpus oratorii est dealbatum et ad formam, sicut etiam sunt eius fores, munitae clave quae detinetur paenes massarium.

Suppellectilia sacra asservantur a tergo altaris in scamno munito ser<r>a secreta et clave.